

# KONSEP AMAL JAMA'I MENURUT PERSPEKTIF SUNNAH NABAWI: SATU TINJAUAN.

## THE CONCEPT OF AMAL JAMA'I ACCORDING TO THE PROPHET'S TRADITION: AN OVERVIEW

Mohd Nizho Bin Abdul Rahman<sup>1</sup>  
Alias Azhar<sup>2</sup>

### Abstract

This paper focuses on Islamic management issues as one of excellent legacies left by the Prophet (S.A.W). This paper will review the accomplishment of Islamic approach to management which had been practiced by the Prophet SAW and his companions. Based on archival research method, this paper will analyze the concept of *Amal Jama'i*(team work) based on Islamic management centered on the traditions of the Prophet (SAW). The discussion showed that team work is an imperative element in Islamic management and not merely confined to the practice of *da'wah* (inviting to Islam) but also in term of daily activities. In fact, the practice had been taught and shown by the Prophet (SAW). Even though the West had introduced many contemporary management theories, there is a huge difference compared to the Islamic approach to management. The concept of management in Islam does not merely based on material gained but also spiritual attainment and heavily emphasizes on the equality of the spiritual and material.

**Abstrak:** Makalah ini akan membahas mengenai isu-isu manajemen Islam yang membawa kesadaran pada umat melalui salah satu warisan yang ditinggalkan oleh Nabi (SAW). Makalah ini akan meninjau pemenuhan pendekatan Islam untuk manajemen yang telah dilakukan dari Nabi SAW dan para sahabatnya. Penelitian ini menggunakan metode arsip, yang akan menganalisis konsep *Amal Jama'i* (bekerja sama) berdasarkan tradisi yang dikerjakan Nabi (SAW). Hasil menunjukkan bahwa kerja tim merupakan elemen penting dalam manajemen Islam dan bukan hanya terbatas pada

---

<sup>1</sup> Pensyarah Kanan, Pusat Pengajian Umum, Kolej Sastera dan Sains (UUM CAS), Universiti Utara Malaysia 06010 Sintok, Kedah Darul Aman, Malaysia, nizho@uum.edu.my

<sup>2</sup> Profesor Madya, Pusat Pengajian Undang-undang, Kolej Undang-undang, Kerajaan & Pengajian Antara Bangsa (UUM COLGIS), Universiti Utara Malaysia 06010 Sintok, Kedah Darul Aman, Malaysia, az.alias@uum.edu.my

praktek dakwah saja, tetapi juga dalam hal pekerjaan sehari-hari seperti yang telah diajarkan oleh Nabi (SAW). Meskipun Barat telah memperkenalkan banyak teori manajemen kontemporer tetapi ada perbedaan mencolok ketika membandingkan mereka dengan pendekatan Islam untuk manajemen. Konsep manajemen dalam Islam tidak semata-mata berdasarkan keuntungan materi, tetapi juga pencapaian spiritual dan sangat menekankan pada kesetaraan spiritual dan material.

Kata kunci: Manajemen, kerjasama, konsep, spiritual.

## Pendahuluan

Kerja yang dilakukan secara berjamaah atau berpasukan (*'Amal Jamâ'î*) lebih mendapat banyak faedahnya jika dibandingkan kerja secara bersendirian.<sup>3</sup> Di dalam hadith Nabi Muhammad S.A.W telahpun disebut perumpamaan yang jelas tentang kelebihan bermuafakat dalam jamaah serta kekuatannya, seolah-olah kawan k kambing yang tidak mampu dimakan serigala yang garang tetapi serigala tersebut mampu untuk makan serta membaham salah seekor daripada kawan k kambing tersebut yang terpisah daripada kelompoknya.<sup>4</sup> Oleh yang demikian, konsep *'Amal Jamâ'î* adalah sesuatu yang diakui oleh semua orang tentang kebaikannya, jika dibandingkan dengan sesuatu kerja yang dilakukan secara bersendirian. Sejarah telah membuktikan bahawa umat terdahulu mengecapi kejayaan terhadap perancangan yang dibuat adalah secara berjamaah. Bahkan galakan itu dituntut supaya sentiasa berada dalam jamaah dalam apa keadaan sekalipun dan menepati apa yang dikehendaki Rasulullah S.A.W serta mereka yang diiktiraf di kalangan sahabat, tabiin dan para ulama<sup>5</sup>. Para Nabi, sahabat, *salaf al-salib* dan para ulama melaksanakan kerja secara berjamaah sama ada ketika senang ataupun ketika menghadapi kesusahan. Penerapan konsep kerja secara *'Amal Jamâ'î* yang diatur dengan penuh strategi memudahkan mereka menghadapi ujian dan dugaan hidup.<sup>6</sup> Sebagai contoh, pakatan Nabi Musa dan Haron menghadapi Firaun seperti

<sup>3</sup> Abu 'Abd Allah Muhammad bin 'Abd Allah al-Naysaburi al-Hakim, *Al-Mustadrak* (Kaherah : Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007), 12 : 8.

<sup>4</sup> Yahyâ bin Sharaf al-Dîn al-Nawâwî, *Rÿad-Salibîn*, ed. Muhammad Nasir al-Dîn al-Albânî (Beirut: Maktabah al-Islâmiyyah, 1983), 379.

<sup>5</sup> Abî Na'im al-Asbahânî, *Tatbbit al-Imâmah wa al-Tartib al-Khilâfah, Manqi' Jâmi' al-Hadith*. (Kaherah : Muassasah al-Maktabah al-Shamilah, Maktab Himâyah Huqûq al-Milkiyyah al-Makriyyah, t.t.), 195.

<sup>6</sup> 'Abdul Wahab al-Daylâmî, *Al-'Amal al-Jamâ'î* (Sana': Dâr al-Hijrah, 1991), 22.

yang dirakamkan dalam al-Qur'an menggambarkan kesan kerja dan pemuafakatan yang memberi keputusan yang baik walaupun terpaksa berhadapan dengan keangkuhan Firaun yang zalim ketika itu. Setiap kerja yang dilaksanakan adalah bersumberkan kepada wahyu Allah sebagai rujukan kepada mereka.<sup>7</sup>

Agama Islam semenjak daripada dahulu menjanjikan kejayaan kepada penganutnya yang sentiasa meletakkan sumber rujukan utama iaitu kitab dan panduan para Rasul bagi menghadapi kehidupan duniawi dan ukhrawi.<sup>8</sup> Setiap pekerjaan yang dilakukan sudah semestinya ada tempat sandaran yang menjadi panduan mereka. Kedatangan para Rasul itu sendiri memperlihatkan umat ini amat memerlukan kepada panduan dan tunjuk ajar bagi merealisasikan kehidupan mereka sebagai manusia yang bertamadun. Firman Allah SWT:

(Al-Ahzab 21: 21) لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ

*Artinya: Sesungguhnya pada diri kamu terhadap Rasulullah S.A.W sebagai ikutan yang baik.*

Menurut al-Qurtûbî, yang dimaksudkan dengan *qudwah* (ikutan) itu adalah merujuk kepada Nabi Muhammad S.A.W sebagai ikutan dalam semua keadaan sama ada yang melibatkan pekerjaan baginda mahupun percakapannya.<sup>9</sup> Justeru, setiap perancangan dan strategi dalam sesebuah organisasi yang ada, tidak akan terlaksana tanpa wujudnya panduan yang jelas. Ini menggambarkan setiap pekerjaan yang dilakukan hendaklah dilaksanakan menurut sumber yang jelas dan berautoriti. Oleh yang demikian, kefahaman terhadap *'Amal Jamâ'î* yang dinaungi syariat perlu untuk dipraktik, dihayati serta diamalkan oleh umat Islam. Justeru, dengan demikian mereka dapat memahami setiap kerja yang dilakukan itu adalah ibadah yang mendapat ganjaran duniawi dan ukhrawi<sup>10</sup>.

---

<sup>7</sup> Abû Fida' Ismâ'îl bin 'Umar Bin Kathîr, *Tafsîr al-Qur'an al-'Azîm* (Riyadh: Dâr al-Tayibah li al-Nashr wa al-Tawzî', 1999), 8:283.

<sup>8</sup> Muhammad bin Futûh al-Hamidi, *Al-Jam'u Bayna al-Sabîḥayn al-Bukbârî wa Muslim* (Beirut: Dâr Bin Şazm, 2002), 2:277.

<sup>9</sup> Muhammad bin Ahmad bin Abû Bakar bin Farah al-Ansarî al-Qurtûbî, *Al-Jâmi' al-Abkam al-Qur'an* (Riyadh: Dâr al-'Alam al-Kutub, 2003), 12:154.

<sup>10</sup> Jalâl al-Dîn Muhammad bin Ahmad al-Mahalli dan Jalâl al-Dîn 'Abd Rahman bin Abû Bakr al-Suyûtî, *Tafsîr al-Jalâlayn* (Kaherah: Dâr al-Hadith, t.t.), 1: 465.

## Konsep dan Pengertian *Amal Jamâ'î*

Bagi memahami istilah *Amal Jamâ'î* dan konsepnya, perbahasan dilihat dari sudut bahasa dan istilah serta berdasarkan al-Sunnah.

### *Amal Jamâ'î* dari Sudut Bahasa

Amal menurut bahasa membawa maksud pekerjaan dan profesion, perkataan amal juga merujuk kepada makna yang pelbagai. Amal mengikut istilah ekonomi, pengurusan pejabat dan lain-lain membawa makna yang berbeda. Jika digunakan bagi pengurusan pejabat amal merujuk kepada sesuatu yang berada di bawah seliaan pejabat atau agensi berkaitan, juga dikatakan kampung lelaki itu berada di bawah pengawasan majlis daerah atau pejabat daerah tertentu. Amal jika dirujuk pada ekonomi membawa maksud kesungguhan seseorang insan yang melakukan sesuatu kerja bagi mendapatkan manfaat.<sup>11</sup>

Di dalam Kamus *Maṣrūd* selain daripada maksud pekerjaan atau profession, perkataan *Amal* dan *Jama'î* digabungkan dengan membawa maksud *Team Work* (kerja Berpasukan).<sup>12</sup> Justeru, perkataan *Amal Jamâ'î* apabila dipecahkan kepada dua bahagian iaitu *Amal* dan *Jamâ'î* mempunyai maksud yang tersendiri. Amal merujuk kepada perwujudan dari sesuatu yang menjadi harapan jiwa, baik berupa ucapan, perbuatan anggota badan ataupun perbuatan hati. *Amal* harus berdasarkan niat; tiada amal tanpa niat. Setiap *Amal* dinilai oleh Allah berdasarkan niat. *Amal* juga dibahagikan kepada tiga jenis, iaitu amal jariah, amal ibadah dan amal saleh<sup>13</sup>. Secara umumnya, *Amal* yang merujuk kepada ibadah, bermaksud semua kegiatan sama ada penulisan atau perbuatan, baik berupa ucapan maupun tindakan yang nyata maupun yang tersembunyi yang ditujukan dan diniatkan untuk berbakti kepada Allah. Firman Allah SWT:

(Al-Dhâriyât 51:56) وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ

*Artinya: Tidak Aku jadikan jin dan manusia itu melainkan untuk mengabdikan diri kepadaKu.*

Syarat sah *Amal* ada dua, pertamanya, ikhlas dan keduanya, *Amal* ibadah dalam erti khusus, dilakukan sesuai dengan tuntutan

<sup>11</sup> Ibrâhîm Mustafâ et.al, *Al-Mu'jam al-Wasîm* (Istanbul: Dâr al-Da'wah, 1980), 2:628.

<sup>12</sup> Rohi Al-Ba'labaki, *Al-Maṣrūd Qâmus 'Arabî-Ingîlîdîbî* (Beirut: Dâr al-'Ilmi li Almalâyin, 1995), 781.

<sup>13</sup> Dewan Redaksi Ensiklopedia Islam, *Ensiklopedia Islam* (Jakarta: Ikthtiar Baru Van Hoeve, 1994), 1:131-132.

al-Quran dan al-Hadith sedangkan 'Amal yang umum hendaklah dilakukan, berdasarkan ilmu pengetahuan.<sup>14</sup> Manakala perkataan *jama'ah* atau *jamâ'î* di ambil daripada perkataan Arab *jama'a*, yang bererti mengumpulkan sesuatu dari berpecah dan berselerak.<sup>15</sup> Selain itu, daripada perkataan *jama'a* juga lahir perkataan *jama'ah* yang dikaitkan dengan sekumpulan manusia dan merujuk kepada bilangan yang banyak. Disebut dalam *Lisân al- Arab* bahwa Allah memerintahkan orang beriman apabila melakukan sesuatu pekerjaan secara 'Amal *Jamâ'î*, mereka disuruh supaya mengikut arahan dan keizinan daripada Nabi Muhammad S.A.W.<sup>16</sup> Justeru, perkataan *Amal Jamâ'î* apabila digabungkan membawa maksud kerja yang dilakukan secara berpasukan.

### **Amal Jamâ'î dari Sudut Istilah**

Pengertian *Amal Jamâ'î* dari sudut istilah dapat disimpulkan daripada pelbagai pendefinisian yang dikemukakan oleh para ulama dan sarjana Islam. Mustafa Mashhur dalam kitabnya *al- Amal al- Jamâ'î* menyebut bahawa yang dikatakan 'Amal *Jamâ'î* itu ialah sesuatu yang dirancang oleh pasukan yang mempunyai peraturan, sistem yang rapi dan selaras dengan prinsip yang telah digariskan oleh pasukan bagi mencapai matlamat yang dicita-citakan.<sup>17</sup> 'Amal *Jamâ'î* adalah sesuatu kerja yang dilakukan oleh sekumpulan manusia yang bekerjasama dalam satu misi dan objektif yang sama bagi menjayakan matlamat organisasi.<sup>18</sup> Bukan sekadar kualiti anggota sahaja yang diambil kira dalam 'Amal *Jamâ'î*, sebaliknya mempunyai organisasi yang tersusun dan berperaturan di semua peringkat dan aktiviti.

Terdapat pengertian yang berbeza bagi memahami 'Amal *Jamâ'î*. Ada pendefinisian yang hanya menyentuh tentang kerja berpasukan yang melibatkan aspek fizikal dan material. Sebaliknya, ada pendefinisian yang menyentuh aspek fizikal, material dan spiritual.<sup>19</sup> Al-Shamibî mendefinisikan perkataan jamaah sebagai sekumpulan sahabat tetapi tidak termasuk generasi sesudahnya. Kumpulan

---

<sup>14</sup> Ibn Manzûr, *Lisân al- Arab* (Beirut: Dar Ihya' al-Turath al- Arabi, 1997), 9 : 400-401.

<sup>15</sup> Dewan Redaksi Ensiklopedia Islam, *Ensiklopedia Islam*, 1:131-132.

<sup>16</sup> Ibn Manzûr, *Lisân al- Arab*, 9: 355-356.

<sup>17</sup> Mustafâ Mashhûr, *al-'Amal al-Jamâ'î*. terj. Abdullah Abd Hamid (Alor Setar: Pustaka Ikhwan, 1985), 11.

<sup>18</sup> Hisyam al-Talib, *Panduan Latihan Bagi Petugas Islam*, terj. Wan Izzuddin Wan Sulaiman (Kuala Lumpur: Nurin Enterprise, 1992), 136.

<sup>19</sup> Alauddin Sidal *Kerja Berpasukan Dalam Organisasi* (Kuala Lumpur: Institut Tadbiran Awam Malaysia, (INTAN), 2004), 27.

sahabat ini adalah golongan yang menegakkan dan mengukuhkan agama serta tidak melakukan kesesatan.<sup>20</sup> Ibn Hajar al-Asqalani mendefinisikan *al-Jama'ah* dengan makna yang lebih luas, di mana merangkumi di dalam pengertiannya *abl al-Fiqh* dan *abl-al-Hadith* di kalangan Mujtahidin.<sup>21</sup> Menurut Abd Wahab al-Daylami, yang dimaksudkan *jama'ah* ialah setiap kumpulan atau pasukan yang melaksanakan sesuatu pekerjaan bertepatan dengan kehendak Allah.<sup>22</sup> Jadi, setiap amalan yang dilakukan oleh pasukan bukan hanya dilihat dari aspek fizikal dan material semata-mata, sebaliknya turut dilihat dari sudut spiritual

Oleh yang demikian, *'Amal Jamâ'î* merupakan suatu yang penting kerana dengannya akan lahir kelompok manusia yang bersatu padu, hidup dalam kesatuan dan saling kasih mengasihi di antara satu sama lain.<sup>23</sup> Oleh yang demikian, seseorang individu sudah pasti memahami peranannya dalam pasukan dan tidak wujud perasaan mementingkan diri sendiri.<sup>24</sup> Maka menjadi tanggungjawab untuk membina generasi yang memahami tuntutan agama di dalam setiap pekerjaan yang diceburi. Ianya merangkumi keseluruhan aspek kehidupan sama ada keperluan fizikal mahupun keperluan spiritual. Generasi yang cemerlang sudah pasti lahir daripada *'Amal Jamâ'î* yang bermatlamatkan kebahagiaan di dunia dan akhirat.<sup>25</sup> Beramal bukan hanya untuk menempa kemasyhuran, pujian dan sanjungan manusia semata-mata, sebaliknya untuk mencari keredaan Allah SWT. Firman Allah Taala:

وَالسَّابِقُونَ السَّابِقُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَانٍ رَضِيَ اللَّهُ عَنْهُمْ وَرَضُوا عَنْهُ وَأَعَدَّ لَهُمْ جَنَّاتٍ تَجْرِي تَحْتِهَا الْأَنْهَارُ خَالِدِينَ فِيهَا أَبَدًا ذَلِكَ الْفَوْزُ الْعَظِيمُ

(Al-Tawbah 9:100)

*Artinya: Orang-orang yang terdahulu, yang mula-mula (berhijrah dan memberi bantuan) dari kalangan orang Muhajirin dan Ansar dan yang menurut jejak*

<sup>20</sup> Abî Ishâq Ibrâhîm bin Mûsâ bin Muhammad al-Shâtibî al-Gharnâtî, *Al-Ibtisam*, ed. Sayyid Muhammad Rashîd Ridâ (Kaherah: Maktabah al-Tijariyyah al-Kubra, t.t.), 2:261.

<sup>21</sup> Abu Fadl bin 'Ali bin Hajar al-'Asqalânî, *Fath al-Bârî Syarh Sabih al-Bukhârî* (Beirut: Dâr Ihya' al-Turath al-Arabî, 1985), 13:30-31.

<sup>22</sup> 'Abd al-Wahab al-Daylami, *al-'Amal al-Jamâ'î Mahasinuh wa Jawânib al-Naqis fib* (Sana': Dar al-Hijrah, 1991), 24.

<sup>23</sup> Zain al-Ddin 'Abd al-Rauf al-Manawi, *Taysîr bi al-Sharh al-Jâmi' al-baghir* (Riyadh: Maktabah Imâm al-Shâfi 'î, 1988), 5:874.

<sup>24</sup> Ahmad bin Hanbal, Abû 'Abd Allâh al-Shaybânî, *Fadâil al-Sahâbah* (Beirut: Muassasah al-Risalah, 1983), 1:464.

<sup>25</sup> Asmadi Mohammad Naim, *Maqasid Syariah dan Pemikiran Pengurusan Islam* (Sintok: Universiti Utara Malaysia, 2003), 43.

*langkah mereka dengan iman dan taat, Allah reda kepada mereka dan mereka reda kepadaNya (Allah) serta ia menyediakan untuk mereka Syurga-syurga yang mengalir di bawahnya beberapa sungai, mereka kekal di dalamnya selamanya; itulah kemenangan yang besar.*

Manusia dilahirkan sebagai khalifah di bumi ini dan diberikan amanah oleh Allah untuk memakmurkan bumi ini. Sifat manusiawi itulah suatu yang penting bagi memakmurkan bumi ini.<sup>26</sup> Justeru, gabungan tenaga dan kepakaran penting bagi melaksanakan amanah ini. Oleh yang demikian, kerja secara bersendirian untuk tujuan melaksanakan amanah tersebut, tidak akan tercapai tanpa wujudnya gabungan tenaga dan pasukan yang mantap. Menjadi fitrah kejadian Allah, bahawa manusia itu dijadikan secara berpasang-pasangan. Ini menggambarkan kepada kita, setiap individu tidak boleh hidup bersendirian tanpa wujud orang lain yang membantu mengerakkan kerja yang dirancang dan diatur.

### **Hadith *Amal Jamâ'î* dalam Sunnah Nabawi**

Hadith berkaitan perintah dan suruhan agar bersama jamaah dalam melaksanakan setiap pekerjaan boleh didapati dalam pelbagai *Kitab Sunan*. Ini menggambarkan Islam meletakkan *Amal Jamâ'î* adalah suatu yang penting dalam kehidupan ini. Cuma, apa yang dipaparkan di dalam hadith di bawah, adalah berkaitan hadith Tematik yang berdasarkan tema (*Jama'ah*) yang lebih merujuk kepada hadith *Qawli* (perkataan). Hadith yang berdasarkan tema ini, sering diperbahaskan oleh pengkaji hadith kontemporari. Selain itu, ianya bertujuan memaparkan kehebatan sumber rujukan Islam yang telah sedia ada selepas al-Quran. Pengolahan secara tematik (*mawâ'î*) khususnya, bertujuan mencari pendekatan menangani tuntutan semasa berkaitan pengurusan, sama ada yang melibatkan organisasi tertentu mahupun syarikat. Apapun pengolahan yang dilakukan mestilah tidak lari daripada konsep dan takrif hadith itu sendiri, iaitu merujuk kepada perkataan, perbuatan, pengakuan, sifat kejadian dan tingkah laku baginda S.A.W. Justeru, hadith *Qawli* yang disenaraikan di bawah adalah merujuk kepada ungkapan yang berbentuk perintah, suruhan dan larangan daripada Rasulullah S.A.W dalam bentuk teori. Firman Allah SWT:

(Al-Ahzâb 33:21) لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ

*Artinya: Sesungguhnya bagi diri kamu terhadap Rasulullah S.A.W adalah ikutan yang baik (tauladan).*

---

<sup>26</sup> Abû Muhammad 'Abd al-Rahman bin Abî Hâtim al-Râzî, *Tafsîr Bin Abî Hâtim* (Kaherah: Maktabah al-'Asriyyah, t.t.), 1:76.

Selain itu, terdapat di dalam ayat yang lain, perintah Allah SWT supaya menjadikan apa yang dibawa oleh Rasulullah S.A.W sebagai pedoman dan panduan dalam melaksanakan pekerjaan mereka. Firman Allah SWT:

(Al-Hashr 28:7) وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا

*Artinya: Setiap apa yang dibawa (diperintah) oleh Rasulullah S.A.W bendaklah kamu ambil sebaliknya, setiap tegahan daripadanya bendaklah kamu tinggalkan.*

Oleh yang demikian, apabila merujuk kepada hadith di bawah, didapati keseluruhan hadith memfokuskan kepada hadith *qawli* sebagai teori yang menjadi sandaran dalam menetapkan sesuatu hukum. Ini menunjukkan Islam sebagai agama yang agung meletakkan kerja bersama jamaah itu penting dengan pelbagai perumpamaan dan contoh yang bertepatan dengan keadaan semasa. Hadith berbentuk teori pun digambarkan dengan gaya bahasa yang mengheret pembaca supaya memahami faedah dan kepentingan *Amal Jamâ'î* sama ada berkaitan perkara yang berbentuk duniawi mahupun ukhrawi. Sebaliknya, ancaman kepada mana-mana individu yang merosakkan jamaah dan dianggap jahiliah, dosa dan dibalas dengan balasan azab neraka. Terdapat juga hadith yang dibawa dalam bentuk suruhan, galakan dan larangan. Daripada Ibn 'Abbas, Sabda Rasulullah S.A.W:

مَنْ عَمِلَ لِلَّهِ فِي الْجَمَاعَةِ فَأَصَابَ قَبِلَ اللَّهُ مِنْهُ وَإِنْ أخطأ عَفَرَ لَهُ

*Terjemahan: Sesiapa yang beramal (melakukan sesuatu pekerjaan) secara berjamaah kerana Allah maka apabila benar amalan tersebut maka diterima Allah dan jika didapati salah maka diampun dosa tersebut.<sup>27</sup>*

Merujuk kepada hadith di atas, Rasulullah S.A.W meletakkan kebersamaan bersama jamaah itu adalah salah satu perkara yang penting bahkan menjadi satu kerugian kepada mereka yang tidak memilikinya. Ini menunjukkan bahawa bergerak secara jamaah untuk memantapkan Islam itu adalah satu tuntutan yang penting dan hendaklah diberikan keutamaan. Bukan itu sahaja, ianya juga dikaitkan dengan dosa pahala dan jaminan daripada Allah. Seterusnya Nabi Muhammad S.A.W memberi galakan supaya mengurus kehidupan

<sup>27</sup> Hadith riwayat al-Tabrani, Kitab Mu jam al-Kabîr li al-Tabrani, Bab Ta', no. Hadith 12310. Imam al-Tabrani mengatakan hadith ini *Sahih*. Ibn Batah, Abu Na'im al-Asbahani, dan al-Khatib al-Baghdadi mengatakan sanadnya adalah *Hasan* dan perawi-perawinya adalah *thiqah*. Lihat Sulayman bin Ahmad bin Ayyub al-Tabrani, *Mu'jam al-Kabir li al-Tabrani* (al-Mawsul: Maktabah al-'Ulum Wa al-Hikam, 1983), 10: 208.



secara berjamaah. Daripada Abi Dhar, sabda Nabi S.A.W:

اثنان خَيْرٌ مِنْ وَاحِدٍ وَثَلَاثٌ خَيْرٌ مِنْ اِثْنَيْنِ وَأَرْبَعَةٌ خَيْرٌ مِنْ ثَلَاثَةٍ فَعَلَيْكُمْ بِالْجَمَاعَةِ

*Artinya: Daripada Abi Dhar daripada Nabi S.A.W bahawa dua orang lebih baik daripada seorang, tiga orang lebih baik daripada dua dan empat orang lebih baik daripada tiga maka hendaklah kamu bersama Jamaah.*<sup>28</sup>

Hadith di atas, menjelaskan kepentingan bergabung dalam jamaah. Keputusan yang melibatkan dua orang lebih baik daripada seorang, bahkan jumlah yang ramai itu lagi baik dan mendatangkan banyak faedah terutamanya dalam melakukan sesuatu pekerjaan dalam kehidupan ini. Kerja secara berpasukan dapat membentuk entiti yang kuat dan mampu menyelesaikan banyak masalah dengan mudah. Daripada Mu az bin Jabal, sabda Nabi S.A.W:

إِنَّ الشَّيْطَانَ ذُنُوبَ الْإِنْسَانِ كَذُوبِ الْعَتَمِ يَأْخُذُ الشَّاةَ الْقَاصِيَةَ وَالتَّاجِيَةَ فَإِيَّاكُمْ وَالتَّيْبَاعَ وَعَلَيْكُمْ بِالْجَمَاعَةِ وَالْعَامَّةِ وَالْمَسْجِدِ

*Artinya: Daripada Mu az bin Jabal bahawa Nabi S.A.W bersabda, Sesungguhnya syaitan adalah serigala kepada manusia seperti mana serigala dengan kawanan kambing yang berpecah, berpisah dari kumpulan. Maka berhati-hatilah dari berpuak-puak dan hendaklah kamu bersama jamaah dan bersama orang ramai dan sentiasa ke masjid.*<sup>29</sup>

Kepentingan berpasukan seperti yang digambarkan dalam hadith di atas, adalah jelas menunjukkan kekuatan sesuatu pekerjaan, amalan, organisasi dan sebagainya adalah terletak kepada keutuhan pasukan yang bergabung dengan kukuh dan mantap. Dalam masa yang sama, larangan daripada berpecah belah dalam jamaah juga diberi keutamaan, di samping motivasi menggalakkan kepada aktiviti yang membawa kepada penghayatan berjamaah itu sendiri. Daripada Umar, sabda Nabi S.A.W:

---

<sup>28</sup> Hadith riwayat Imam Ahmad, Kitab Musnad Ahmad, Bab al-'Ashrah al-Mubasharin bi al-Jannah, no. Hadith 20776. Imam Ahmad mengatakan hadith ini *Sahih*. Ibn Batah, Abu Na'im al-Asbahani, dan al-Khatib al-Baghdadi mengatakan sanadnya adalah *Hasan* dan perawi-perawinya adalah *thiqah*. Lihat Ahmad Bin Hanbal, *Musnad Ahmad* (Kaherah: Muassasah al-Maktabah al-Shamilah, Maktab Himayah Huquq al-Makriyyah, 2007), 43:297.

<sup>29</sup> Hadith riwayat Ibn al-Jawzi, Kitab Talbis Iblis, Bab al-Awwal al-Amr bi luzum al-Sunnah wa al-Jama'ah, no. Hadith 9. Ibn al-Jawzi mengatakan hadith ini *Hasan*. Imam Tabrani mengatakan bahawa sanad hadith ini bersambung dan perawi-perawinya adalah *siqah*. Ibn Battah pula mengatakan hadith ini *Hasan*. Lihat Abi Faraj 'Abd Rahman bin 'Ali bin al-Jawzi, *Talbis Iblis*, (Beirut: Dar al-Qalam, 2011), 8.

عَلَيْكُمْ بِالْجَمَاعَةِ ، وَإِيَّاكُمْ وَالْفِرْقَةَ ، فَإِنَّ الشَّيْطَانَ مَعَ الْوَاحِدِ ، وَهُوَ مِنَ الْأَنْثَيْنِ أَنْعَدُ ، وَمَنْ أَرَادَ نُجُوحَةَ  
الْحَيَّةِ فَعَلَيْهِ بِالْجَمَاعَةِ

*Artinya: Berpeganglah kamu dengan al-Jama'ah dan berhati-hatilah dengan perpecahan. Sesungguhnya syaitan suka bersama orang yang bersendirian dan syaitan akan menjaubi dirinya jika terdapat dua orang individu bersama. Barang siapa ingin berada di tengah Syurga, maka berpeganglah pada al-jama'ah<sup>30</sup>*

Hadith di atas memberi perangsang supaya setiap orang mestilah bersama jamaah dan dalam masa yang sama, diberi peringatan agar tidak berpecah belah dalam kesatuan yang telah dibina. Justeru, tuntutan supaya memperkukuhkan jamaah adalah merupakan tanggungjawab dan kewajipan yang mesti dipikul oleh setiap Muslim. Oleh yang demikian, satu gambaran yang jelas telah ditunjukkan oleh Nabi S.A.W tentang pentingnya bilangan yang ramai dalam melakukan sesuatu pekerjaan, sebaliknya berseorangan itu mudah diperdaya oleh syaitan. Keutamaan bersama jamaah itu, diperkukuhkan lagi dengan ganjaran Syurga, jika pelaksanaan *Amal Jamâ'î* itu bertepatan dengan tuntutan dan kehendak syarak.

Dari Ibn 'Umar, sabda Nabi S.A.W:

لَا يَجْمَعُ اللَّهُ هَذِهِ الْأُمَّةَ عَلَى الضَّلَالَةِ أَبَدًا ، وَيَدُّ اللَّهُ عَلَى الْجَمَاعَةِ ، فَمَنْ شَدَّ شَدًّا فِي النَّارِ

*Artinya: Tidak akan bersepakat umatku dalam kesesatan selama-lamanya dan Allah sentiasa bersama jamaah maka siapa yang berpecah, perpecahan itu menjerumuskan ke Neraka.<sup>31</sup>*

Hadith di atas menunjukkan, satu jaminan daripada Nabi Muhammad S.A.W berkaitan kesepakatan umatnya dalam jamaah dan Allah sentiasa meredai kerja-kerja yang dilaksanakan secara berjamaah. Sebaliknya, mencela golongan yang berpecah belah dalam jamaah dan menjerumuskan mereka ke dalam api neraka. Larangan yang terdapat dalam hadith ini menunjukkan buruknya kelakuan

<sup>30</sup> Hadith riwayat al-Tirmidhî, Kitab Sunan al-Tirmidhî, Bab Ma Jaa fi Luzum al- Jama'ah, no. Hadith 2318. Imam al-Tirmidhî mengatakan hadith ini *Sahih*. Hadith ini juga *Sahih* disisi Imam Muslim. Lihat Abû Isâ Muhammad bin Isâ bin Sawrah al-Tirmidhî, *Sunan al-Tirmidhî* (Kaherah: Muassasah al-Maktabah al-Shamilah, Maktab Himâyah Huqûq al-Makriyyah, 2007), 8:328.

<sup>31</sup> Hadith riwayat al-Tirmidhî, Kitab al-Fitan 'an Rasulillah S.A.W, Bab Ma Jaa fi Luzum al-Jama'ah , no. Hadith 2167. Imam Al- al-Tirmidhî mengatakan hadith ini *Sahih*. Ibn 'Abd Bar dan Abi 'Asim menyatakan hadith ini adalah *Hasan* kerana terdapat padanya perawi yang *thiqab*. Lihat Abû Isâ Muhammad bin Isâ bin Sawrah al-Tirmidhî, *Al-Sunan al-Tirmidhî* (Kaherah: Muassasah al-Maktabah al-Shamilah, Maktab Himâyah Huqûq al-Makriyyah, 2007), 5:322.

orang yang tidak bersama-sama jamaah. Seterusnya, Nabi S.A.W menggambarkan Allah sentiasa bersama jamaah. Daripada 'Arfajah, sabda Rasulullah S.A.W:

يُدُّ اللَّهُ عَلَى الْجُمَاعَةِ وَالشَّيْطَانُ مَعَ مَنْ خَالَفَ الْجُمَاعَةَ يَرْكُضُ

*Artinya: Allah sentiasa bersama jamaah dan syaitan sentiasa bersama orang yang membelakangi jamaah dan yang suka berpisah.*<sup>32</sup>

Orang yang menggabungkan dirinya bersama jamaah sentiasa berada di bawah pemeliharaan dan rahmat Allah, sebaliknya mereka yang meninggalkan jamaah berperanan menjadi sekutu syaitan yang suka mengadu domba serta memecahbelahkan manusia. Rasulullah S.A.W menggambarkan kepada kita bahawa, Islam mewajibkan penganutnya sentiasa bekerja dalam pasukan bagi setiap urusan kehidupan ini. Islam mencela perbuatan orang yang membelakangi jamaah yang berorganisasi di bawah naungan Agama. Dari 'Arfajah, sabda Rasulullah S.A.W:

سَيَكُونُ بَعْدِي هَنَاتٌ وَهَنَاتٌ، فَمَنْ رَأَيْتُمُوهُ فَارَقَ الْجُمَاعَةَ أَوْ يُرِيدُ أَنْ يُفَرِّقَ بَيْنَ أُمَّةٍ مُحَمَّدٍ وَأُمَّرْتُهُمْ جَمِيعًا، فَاقْتُلُوهُ كَأَيِّتَا مَنْ كَانَ

*Artinya: Akan lahir selepas aku kejahatan dan kerosakan. Maka sesiapa yang melihat mereka memecah belahkan jamaah atau mereka yang hendak memecah belahkan umat Muhammad dan segala urusan mereka maka hendaklah kamu perangnya dalam keadaan apa sekalipun.*<sup>33</sup>

Satu amaran keras daripada Nabi Muhammad S.A.W tentang wujudnya golongan yang suka melakukan kerosakan dan memecah belahkan masyarakat di akhir zaman. Justeru, Baginda menyatakan golongan ini layak untuk diperangi dengan menggunakan apa sahaja kaedah yang boleh dilakukan. Satu pengkhabaran daripada baginda tentang celanya perbuatan tersebut. Daripada Mu'awiyah, sabda Rasulullah S.A.W:

<sup>32</sup> Hadith riwayat al-Nasai, Kitab Tahrim al-Ddam, Bab Qatl Man Faraqa al-Jama'ah, no. Hadith 3979. Imam al-Nasai mengatakan hadith ini adalah *Hasan*. Imam Muslim mengatakan bahawa perawinya adalah *thiqah*. Imam Ahmad, al-Tabrani dan Abi 'Awanah mengatakan hadith ini adalah *Hasan* kerana terdapat padanya perawi-perawi yang *thiqah*. Lihat Abu 'Abd Rahman Ahmad bin Shu'aib al-Nasai, *Sunan al-Nasai* (Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007), 7: 106.

<sup>33</sup> Hadith riwayat Muslim, Kitab al-'Imarah, Bab Hukm Man Faraqa Amr al-Muslimin, no. Hadith 3448. Abû Husayn Muslim bin Hajjâj bin Muslim al-Qushayrî al-Naysâbûrî, *Sahîb Muslim* (Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007), 1391.

مَنْ خَرَجَ مِنَ الْجُمَاعَةِ قَيْدَ شَيْءٍ فَقَدْ خَلَعَ رِبْقَةَ الْإِسْلَامِ مِنْ عُنُقِهِ

*Artinya: Sesiapa yang memisahkan dirinya (keluar) daripada jamaah sekadar sejenak, maka terlucutlah ikatan Islam dari lehernya.<sup>34</sup>*

Hadith di atas, menjelaskan tentang celanya sesiapa yang berpisah dengan jamaah. Justeru, gambaran yang dimaksudkan dalam hadith adalah jelas dan terang. Sesiapa yang menolak jamaah dalam melaksanakan sesuatu tindakan adalah merupakan satu dosa yang menimpa orang yang mengamalkannya. Kesalahan yang dilakukan hanya sedikit, tetapi akibatnya boleh menyebabkan seseorang itu terkeluar daripada agama Islam. Setiap pekerjaannya tidak ada nilai disisi Allah dan Rasulnya. Daripada Abû Hurayrah, sabda Rasulullah S.A.W:

مَنْ خَرَجَ مِنَ الطَّاعَةِ وَفَارَقَ الْجُمَاعَةَ ثُمَّ مَاتَ مَاتَ مِيتَةً جَاهِلِيَّةً

*Artinya: Sesiapa yang tidak melakukan ketaatan kepada pemimpin dan memecah belahkan jamaah kemudian dia mati maka matinya dalam keadaan Jahiliyyah.<sup>36</sup>*

Hadith di atas, jelas menunjukkan sesiapa yang memisahkan diri daripada mentaati pemimpin yang berpegang dengan agamanya dan dalam masa yang sama menjadi golongan *bughab* (pelampau) yang memecah belahkan jamaah maka apabila ia mati, kematiannya dianggap sebagai Jahiliyyah. Jamaah atau pasukan di sini adalah jamaah yang melaksanakan sesuatu bertepatan dengan kehendak Allah dan Rasulnya. Kesatuan yang ditunjukkan adalah bersesuaian dengan al-Quran dan al-Sunnah<sup>37</sup>.

<sup>34</sup> Hadith riwayat al-Hakim, Kitab al-‘Ilm, Bab Man Faraqa al-Jama’ah, no. Hadith 415. Imam al-Hakim mengatakan hadith ini *Sahih*. Imam Ahmad, al-Tirmidhi dan Ibn Khzaymah mengatakan hadith ini *Sahih*. Lihat Abu ‘Abd Allah Muhammad bin ‘Abd Allah al-Naysaburi al-Hakim, *Al-Mustadrak* (Kaherah: Muassasah al-Maktabah al-Shâmilah, Maktab Simâyah Huqûq al-Milkiyyah al-Makriyyah, 2007), 1: 372.

<sup>35</sup> Hadith riwayat Muslim, Kitab al-Imarah, Bab Wujub Mulazamah Jama’ah al-Muslimin ‘ind Dhuhur al-Fitan, no hadith 1848. Abû Husayn Muslim bin Hajjâj bin Muslim al-Qushayrî al-Naysâbûrî, *Sahîb Muslim* (Kaherah: Muassasah al-Maktabah al-Shamilah, Maktab Himâyah Huquq al-Milkiyyah al-Makriyyah., 2007), 3: 1476.

<sup>36</sup> Ibrahim bin Musa bin Muhammad al-Shatibi, *al-I’tisam* (Riyadh: Dar Ibn ‘Affan, 1992), 1: 480.

<sup>37</sup> Khadijah al-Nabrawi, *Mamsu’ab Usul al-Fikr al-Siyâsî wa al-Ijtimâ’î wa al-Iqtisâdî* (Kaherah : Dar al- Salam, 2008), 3:1557.

## Bilangan Hadith *Amal Jamâ'î* Dalam Sunnah Nabawi: Satu Analisa

Jadual di bawah menunjukkan taburan hadith Tematik berkaitan dengan '*Amal Jamâ'î*' yang telah dikumpul melalui *Mawsu'ah Usûl al-Fikr al-Siyâsî wa al-Ijtimâ'î wa al-Iqtisâdî* karangan Khadijah al-Nabrawi.<sup>35</sup> *Mawsu'ah* ini, menghimpunkan hadith yang menceritakan tentang kewajipan bersama jamaah atau '*Amal Jamâ'î*' di dalam setiap pekerjaan yang dilakukan. Bermula dengan paparan secara keseluruhan tentang '*Amal Jamâ'î*' seperti yang dipaparkan dalam jadual di bawah. Justeru, terdapat sebanyak 100 hadith yang menceritakan tentang '*Amal Jamâ'î*'.

Bil	Riwayat	Jumlah Hadith	Jilid	Muka Surat	Makna dan perkataan ' <i>Amal Jamâ'î</i> '
1	<i>Abû Dawûd</i>	3	2, 12, 13	545, 4353, 4758	Kepentingan solat ber <i>jama'ab</i> , kepentingan bersama <i>al-jama'ab</i> dan keutuhan ber <i>jama'ab</i>
2	<i>Al-Albâni</i>	4	1, 2	667, 715, 983, 1912	Rahmat bersama <i>al-jama'ab</i> , kepentingan bersama <i>al-jama'ab</i> , kemestian bersama <i>al-jama'ab</i> dan kelebihan solat ber <i>jama'ab</i>
3	<i>'Abd al-Razzaq</i>	3	1	3782, 3918, 18675	Kepentingan bersama <i>al-jama'ab</i> , kepentingan solat ber <i>jama'ab</i> dan keperluan bersama <i>al-jama'ab</i>
4	<i>Al-'Ajiluny</i>	1	2	488	Allah bersama-sama <i>al-jama'ab</i>
5	<i>Al-Bukhârî</i>	6	1, 2, 7, 9	23, 65, 313, 325, 383, 193	Kecaman terhadap orang yang meninggalkan <i>al-jama'ab</i> , Istiqamah bersama <i>al-jama'ab</i> , Allah bersama-sama <i>al-jama'ab</i> , celan

					orang yang memecah belahkan <i>al-Jama'ab</i> dan kepentingan solat ber <i>jama'ab</i>
6	<i>Al-Baybāqī</i>	6	2, 3, 7, 8	18, 61, 103, 156, 157, 477	Kepentingan solat ber <i>jama'ab</i> , kelebihan solat ber <i>jama'ab</i> , celaan orang yang memecah belahkan <i>al-Jama'ab</i> , istiqamah bersama <i>al-Jama'ab</i>
7	<i>Al-Baghdādī</i>	2	1, 2	164, 187	Pemecah belah <i>jama'ab</i> mestilah diperangi dan galakan supaya bersama <i>jama'ab</i>
8	<i>Al-Baghāwī</i>	3	1, 15, 9	14, 27, 400	Istiqamah bersama <i>al-Jama'ab</i> , dan galakan supaya bersama <i>jama'ab</i>
9	<i>Al-Dārīmī</i>	1	1	289	kelebihan solat ber <i>jama'ab</i>
10	<i>Al-Haythamī</i>	13	1, 2, 5, 8, 10	37, 38, 44, 46, 137, 177, 182, 217, 216, 218, 219, 220, 225,	Kelebihan berada dalam <i>jama'ab</i> , kelebihan solat ber <i>jama'ab</i> , galakan supaya bersama <i>jama'ab</i> , beramal bersama <i>jama'ab</i> mendapat pahala, celaan orang yang memecah belahkan <i>al-Jama'ab</i> , rahmat bersama <i>al-Jama'ab</i> ,  Allah bersama-sama <i>al-Jama'ab</i> dan istiqamah bersama <i>al-Jama'ab</i>
11	<i>Al-Hākīm</i>	6	1, 4	77, 115, 117, 118, 247, 256	Kecaman terhadap orang yang meninggalkan <i>al-Jama'ab</i> dan  Allah bersama-sama <i>al-Jama'ab</i> ,

12	<i>Ibn Abi Shaybah</i>	1	15	71	Kecaman terhadap orang yang meninggalkan <i>al-Jama'ab</i>
13	<i>Ibn Majah</i>	5	1, 2, 4, 5, 12	7, 2534, 3979, 3992, 3993,	Ancaman terhadap orang yang meninggalkan <i>al-Jama'ab</i> , keutuhan ber <i>jama'ab</i> , kelebihan bersama <i>al-Jama'ab</i> , Allah bersama-sama <i>al-Jama'ab</i> dan istiqamah bersama <i>al-Jama'ab</i>
14	<i>Ibn Hibban</i>	1	10	4408	Ancaman terhadap orang yang meninggalkan <i>al-Jama'ab</i>
15	<i>Ibn Khuzaymah</i>	1	2	383	Kepentingan solat ber <i>jama'ab</i>
16	<i>Ibn Hajar</i>	1	12	282	Dosa besar terhadap orang yang meninggalkan <i>al-Jama'ab</i>
17	<i>Ibn Sa'ad</i>	1	7	131	Kelebihan solat ber <i>jama'ab</i>
18	<i>Ibn Jawzi</i>	1	-	6	Istiqamah bersama <i>al-Jama'ab</i>
19	<i>Muslim</i>	3	3	53, 55, 1476	Ancaman terhadap orang yang meninggalkan <i>al-Jama'ab</i> dan istiqamah bersama <i>al-Jama'ab</i>
20	<i>Musnad Ahmad</i>	12	1, 2, 3, 4, 5	382, 296, 97, 133, 145, 278, 180, 233, 225, 243, 229, 520	Ancaman terhadap orang yang meninggalkan <i>al-Jama'ab</i> , kelebihan bersama <i>al-Jama'ab</i> , rahmat bersama <i>al-Jama'ab</i> , ternafi kelebihan ber <i>jama'ab</i> , kelebihan solat ber <i>jama'ab</i>

21	<i>Al-Munzirī</i>	4	1, 2	78, 108, 219, 271	Rahmat bersama <i>al-Jama'ab</i> , istiqamah bersama <i>al-Jama'ab</i> , kelebihan solat ber <i>jama'ab</i>
22	<i>Al-Nasā'ī</i>	2	7	4016, 123	Ancaman terhadap orang yang meninggalkan <i>al-Jama'ab</i> ,
23	<i>Al-Shāfi'ī</i>	1	1	1836	Istiqamah bersama <i>al-Jama'ab</i>
24	<i>Al-Sayūṭī</i>	2	2	92, 222	Kelebihan bersama <i>al-Jama'ab</i> ,
25	<i>Al-Tirmidhī</i>	4	8	1402, 2642, 2166, 2167	Ancaman terhadap orang yang meninggalkan <i>al-Jama'ab</i> , Allah bersama-sama <i>al-Jama'ab</i> dan kelebihan bersama <i>al-Jama'ab</i> ,
26	<i>Al-Ṭabrānī</i>	12	1, 3, 8, 10, 11, 12, 15, 17	41, 61, 89, 153, 154, 166, 205, 335, 343, 344, 350, 447	Kelebihan bersama <i>al-Jama'ab</i> , Allah bersama-sama <i>al-Jama'ab</i> , istiqamah bersama <i>al-Jama'ab</i> dan ancaman terhadap orang yang meninggalkan <i>al-Jama'ab</i>
27	<i>Al-Tibrizī</i>	1	1	184	Istiqamah bersama <i>al-Jama'ab</i>
<b>Jumlah</b>		<b>100</b>			

**Jadual : Hadith Tematik Berkaitan *Amal Jamā'î***



## Kesimpulan

Islam sebagai agama yang sempurna sudah tentu mempunyai paket yang lengkap sebagai panduan kepada penganutnya melaksanakan amanah dan tanggungjawab yang diberikan. Justeru, Sunnah Nabawi berperanan sebagai pelengkap kepada perintah, suruhan dan larangan yang mesti dipatuhi oleh setiap umat manusia. Bagi menyempurnakan setiap amanah yang diberikan, maka setiap pekerjaan sudah tentu tidak terlepas daripada kerja yang mesti dilakukan secara Amal Jama'i. Oleh yang demikian, Sunnah Nabawi memaparkan panduan yang lengkap untuk penganut Islam mengambil contoh dan suri tauladan dalam melaksanakan perintah Allah dan dalam masa yang sama mereka diperintah supaya menjayakan sesuatu pekerjaan itu secara Amal Jama'i.

## Daftar Pustaka

- Abu 'Abd Allah Muhammad bin 'Abd Allah al-Naysaburi al-Hakim, *Al-Mustadrak*, Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007.
- Abî Na im al-Asbahânî, *Tathbit al-Imâmah wa al-Tartîb al-Khilâfah, Manqi' Jâmi' al-Hadith*, Kaherah: Muassasah al-Maktabah al-Shamilah, Maktab Himâyah Huqûq al-Milkiyyah al-Makriyyah, t.th.
- Abdul Wahab al-Daylâmî, *Al-'Amal al-Jamâ'î*, Sana': Dâr al-Hijrah, 1991.
- Abû Fida' Ismâ il bin 'Umar Bin Kathîr, *Tafsîr al-Qur'an al-'A'im*, Riyadh: Dâr al-Tayibah li al-Nashr wa al-Tawzi', 1999.
- Ahmad Bin Hanbal, *Musnad Ahmad*, Kaherah: Muassasah al-Maktabah al-Shamilah, Maktab Himâyah Huqûq al-Makriyyah, 2007.
- Abi Faraj 'Abd Rahman bin 'Ali bin al-Jawzi, *Talbis Iblis*, Beirut: Dar al-Qalam, 2011.
- Abû Isâ Muhammad bin Isâ bin Sawrah al-Tirmidhî, *Sunan al-Tirmidhî*, Kaherah: Muassasah al-Maktabah al-Shamilah, Maktab Himâyah Huqûq al-Makriyyah, 2007.
- Abu 'Abd Rahman Ahmad bin Shu'aib al-Nasai, *Sunan al-Nasai*, Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007.
- Abû Husayn Muslim bin Hajjâj bin Muslim al-Qushayrî al-Naysâbûrî, *Sabîh Muslim*, Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007.
- Abu 'Abd Allah Muhammad bin 'Abd Allah al-Naysaburi al-Hakim, *Al-Mustadrak*, Kaherah: Muassasah al-Maktabah al-Shâmilah, Maktab Himâyah Huqûq al-Milkiyyah al-Makriyyah, 2007.

- Alauddin Sidal *Kerja Berpasukan Dalam Organisasi*, Kuala Lumpur: Institut Tadbiran Awam Malaysia, (INTAN), 2004.
- Abî Ishâq Ibrâhîm bin Mûsâ bin Muhammad al-Shâmibî al-Gharnâmî, *Al-Ibtisam*, ed. Sayyid Muhammad Rashîd Ridâ Kaherah: Maktabah al-Tijariyyah al-Kubra, t.th.
- Abu Fadl bin ‘Ali bin Hajar al-‘Asqâlânî, *Fath al-Bârî Syarh Sahib al-Bukhârî*, Beirut: Dâr Ihya’ al-Turath al- Arabî, 1985.
- ‘Abd al-Wahab al-Daylami, *al-‘Amal al-Jamâ’i Mahasinuh wa Jawânih al-Naqṣ fi, Sana’*: Dar al-Hijrah, 1991.
- Ahmad bin Hanbal, Abû ‘Abd Allâh al-Shaybânî, *Fadâil al-Sahâbah*, Beirut: Muassasah al-Risalah, 1983.
- Asmadi Mohammad Naim, *Maqasid Syariah dan Pemikiran Pengurusan Islam*, Sintok: Universiti Utara Malaysia, 2003.
- Abû Muhammad ‘Abd al-Rahman bin Abî Hâtim al-Râzî, *Tafsîr Bin Abî Hâtim*, Kaherah: Maktabah al-‘Asriyyah, t.th.
- Hisyam al-Talib, *Panduan Latihan Bagi Petugas Islam*, terj. Wan Izzuddin Wan Sulaiman Kuala Lumpur: Nurin Enterprise, 1992.
- Ibrâhîm Mustafâ et.al, *Al-Mu’jam al-Wasît*, Istanbul: Dâr al-Da’wah, 1980.
- Ibn Manzûr, *Lisân al- Arab*, Beirut: Dar Ihya’ al-Turath al- Arabi, 1997.
- Jalâl al-Dîn Muhammad bin Ahmad al-Mahalli dan Jalâl al-Dîn ‘Abd Rahman bin Abû Bakr al-Suyûtî, *Tafsîr al-Jalâlayn*, Kaherah: Dâr al-Hadith, t.th.
- Muhammad bin Futûh al-Hamidi, *Al-Jam’u Bayna al-Sahîbayn al-Bukhârî wa Muslim*, Beirut: Dâr Bin Hazm, 2002.
- Muhammad bin Ahmad bin Abû Bakar bin Farah al-Ansârî al-Qurmûbî, *Al-Jâmi’ al-Abkam al-Qur’an*, Riyadh : Dâr al-‘Alam al-Kutub, 2003.
- Rohi Al-Ba’labaki, *Al-Mawrîd Qâmus ‘Arabî-Ingîlîzbî*, Beirut: Dâr al-‘Ilmi li Almalâyin, 1995.
- Dewan Redaksi Ensiklopedia Islam, *Ensiklopedia Islam*, Jakarta: Ikhtiar Baru Van Hoeve, 1994.
- Mustafâ Mashhûr, *al-‘Amal al-Jamâ’i*, terj. Abdullah Abd Hamid Alor Setar: Pustaka Ikhwan, 1985.
- Sulayman bin Ahmad bin Ayyub al- Tabrani, *Mu’jam al-Kabir li al-Tabrani*, al-Mawsul: Maktabah al-‘Ulum Wa al-Hikam, 1983.
- Yahyâ bin Sharaf al-Dîn al-Nawâwî, *Riyad-Salîhîn*, ed. Muhammad Nasir al-Dîn al-Albânî, Beirut: Maktabah al-Islâmiyyah, 1983.
- Zain al-Ddîn ‘Abd al-Rauf al-Manawi, *Taysîr bi al-Sharh al-Jâmi’ al-baghir*, Riyadh: Maktabah Imâm al-Shâfi’î, 1988.

- Muhammad Ridwan Indra, *Kedudukan Lembaga Negara dan Hak Menguji Menurut UUD 1945*, Sinar Grafika, Jakarta, 1987.
- Mukhyar Yara, *Pengisian Jabatan Presiden dan Wakil Presiden di Indonesia*, Nadhila Ceria, Jakarta, 1995.
- Ni'matul Huda, *Hukum Tata Negara (Kajian Teoritis dan Yuridis terhadap Konstitusi Indonesia)*, PSH FH UH, Yogyakarta, 1999.
- Philipus M. Hadjon, *Ide Negara Hukum dalam Sistem Ketatanegaraan Republik Indonesia*, dalam Bagir Manan (editor), *Kedaulatan Rakyat, Hak Asasi Manusia dan Negara Hukum*, Gaya Media Pratama, Jakarta, 1996.
- Satjipto Raharjo, *Ilmu Hukum*, Alumni Bandung, 1986.
- Soehino, *Hukum Tata Negara, Negara Kesatuan Republik Indonesia Berdasarkan Pancasila dan UUD 1945 adalah Negara Hukum, Liberty*, Yogyakarta, 1985.
- Sri Soemantri, *Persepsi Terhadap Prosedur dan Sistem Perubahan Konstitusi dalam Batang Tubuh UUD 1945*, Alumni, Bandung, 1987.
- Sulardhi, Pularjono dan Tim Redaksi Tatanusa, *Undang-Undang Dasar Negara Republik Indonesia*, Tata Nusa, Jakarta, 2000.